





E-GIRQ.COM

Տուվուհին
և ծխակույզ մաքրողը



ըրկից տեսել ես դու հի՛ն, շատ հին պահարան, ժամանակի ընթացքում սևացած, բայց ամբողջապես զարդարված զանազան ոլորանների, ծաղիկների ու տերևների փորագրություններով: Սենյակում դրված էր ահա հենց այդպիսի մի պահարան, որ ապուսպաբերից ծառանգություն էր մնացել տերերին: Պահարանն ամբողջապես ծածկված էր վարդերի, լալաների քանդակներով: Այդ քանդակների միջից դուրս էին ցցվում փոքրիկ եղջերուների գլուխներ, իսկ առավել աչքի ընկնող տեղում վարպետը քանդակել էր մի մարդուկի կերպարանք: Անհնարին էր այդ մարդուկին նայել առանց ծիծաղելու, և հենց նա ինքն էլ ծիծաղելի ձևով ցցել էր իր առամները. բայց այդ ծամածուրբությունը ոչ մի դեպքում չէր կարելի ժպիտ համարել: Նա այժմ ուտքեր ուներ, ճակատին մանրիկ եղջյուրներ էին ցցվել, երկար մորուքը կախվել էր կրծքին: Երեխաները նրա անունը որել էին «Օքերունտեր-գեներալ-ադմիրալ-տերծանտ Այծուտն», քեև այդպիսի անունն արտասանելն անզամ դժվար է, և շատերը չէ, որ կարծանանան նման տիտղոսի: Սակայն այդպիսի պատկեր փորագրելն էլ քիչ աշխատանք չէր պահանջել: Բայց և այնպես փորագրել էին. նա կանգնել էր պահարանի կրա և անվերջ նայում էր հայելու տակ դրված փոքրիկ սեղանին, որովհետև այնտեղ կանգնած էր սքանչելի հախճապակե հովվուհին՝ ոսկեզույն ծամերով ու գլխարկով: Այդ հովվուհու շքեղ շրջագծեսող կողքից քեթևակի վեր էր քաշած և ամրացրած ալ վարդով, իսկ ձեռքին նա բռնել էր հովվական զավազանը: Նա սքանչելի էր: Կողքին կանգնած էր մի ծխակույզ մաքրող, որ սև էր ածուխի պես, բայց նույնպես հախճապա-

կուց: Նա մաքրուր էր ու սիրուն, ամեննիկ էլ վառ չէր ամեն մի այլ հախճապակե արծա-
նիկից: Միայն թե՛ ծխնելույզ մաքրողի նման էր շինված, թեև վարպետը միևնույն հաջողու-
թյամբ կարող էր նրան արքայազնի տեսք տալ. միևնույն չէ՛ր՝ ծխնելույզ մաքրող լիներ թե
արքայազն:

Ծխնելույզ մաքրողը կանգնել էր գեղեցիկ դիրքով, սանդուղքը ձեռքին բռնած: Նրա
դեմքն սպիտակ էր, այտերը՝ աղջկա երեսի պես վարդագույն, քայքայ, թերև, սխալ էր.
չէր խանգարի մի փոքր աղտոտել: Նա կանգնած էր հովվուհու կողքին, որովհետև այդ-
պես էին կանգնեցրել նրանց և, քանի որ կողք կողքի էին՝ այդ պատճառով էլ նշանվեցին
իրար հետ: Զէ՛ որ շատ էին հարմար իրար. երկուսն էլ՝ երիտասարդ, երկուսն էլ՝ մարմա-
րե հախճապակուց շինված, և երկուսն էլ՝ միանման փխրուն: Այդտեղ, նրանց կողքին
կանգնած էր մի ուրիշ տիկնիկ ևս, քայքայ ես երեք անգամ մեծ էր սրանցից: Դա մի ծեր չի-
նացի էր, որ կարողանում էր գլուխը տմբտմբացնել: Նա ևս հախճապակուց էր և իրեն
համարում էր փոքրիկ հովվուհու պապը ու, թեև չէր կարող դա ապացուցել՝ այնուամենայ-
նիվ պնդում էր, որ ինքը հովվուհու վրա իշխանություն ունի. այդ պատճառով էլ գլխով էր
անում օքեր-ունտեր-գեներալ-ադմիրալ-սերժանտ Այծոտնին, որը ուզում էր հովվուհուն:

– Այ՛ թե ամուսին ես ունենալու, – ասաց մի անգամ ծեր չինացին հովվուհուն: – Ինչ-
պես երևում է, նա շինված է կարմիր փայտից: Կամուսնանա նրա հետ, և թեզ կկոչեն
օքեր-ունտեր-գեներալ-ադմիրալ-սերժանտուհի: Նա մի ամբողջ պահարան արծաթ ունի՝
արկղներում պահածները չհաշված:

– Ես չեմ ուզում նրա մուր պահարանի մեջ մտնել, – ասաց փոքրիկ հովվուհին: – Ասում են՝
այնտեղ տասնմեկ հատ հախճապակե կին ունի:

– Դե՛, դու էլ կլինես տասներկուերորդը, – պատասխանեց չինացին: – Այս գիշեր, հենց
որ հին պահարանի մեջ ճրթոց լսվի՝ դուք կպատկվեք. դա այնքան ճշմարիտ է, որքան այն,
որ ես չինացի եմ, – և, և, գլուխը տմբտմբացնելով՝ նա քնեց:

Իսկ փոքրիկ հովվուհին լաց եղավ և նայեց իր սիրեցյալին՝ հախճապակե ծխնելույզ
մաքրողին, ու ասաց.

– Խնդրում եմ թեզ, եկ փախչենք՝ ուր աչքներս կտրի: Մենք այստեղ մնալ չենք կարող:

– Թո ցանկությունը իմ ցանկությունն է, – պատասխանեց ծխնելույզ մաքրողը: – Գնանք,
թելույզ հենց հիմա: Ես հավատացած եմ, որ իմ արիեստով կարող եմ թեզ կերակրել:

– Ա՛հ, եթե մեզ հաջողվեր շուտ իջնել այս սեղանից, – հառաչեց աղջիկը: – Ես երջա-
նիկ կլինեի միայն այն ժամանակ, երբ մենք միասին դուրս կպրծնեինք այստեղից:

Ծխնելույզ մաքրողը հանգստացնում էր աղջկան, հետո ցույց տվեց, թե որտեղ
պետք է դնի ոտքը, սեղանի ոտքի որ ելուստին կամ ոսկեգօծած նախշին: Նրա ելարանը ևս
քիչ ծառայություն չմատուցեց: Եվ ահա, իջան
հատակին: Բայց, երբ նայեցին հին պահարա-
նին տեսան, որ այնտեղ ստվալի իրարանցում է
սկավել:

Փորագրված եղջերուներն ավելի առաջ էին
մեկնել իրենց պողպատ գլուխները և վզները
չուռ տվել, իսկ օքեր-ունտեր-գեներալ-ադմի-
րալ-սերժանտ Այծոտնը վեր-վեր ցատկեց ու
ծեր չինացուն կանչեց.

– Փախա՛ն, փախա՛ն:

Փախստականները մի քիչ վախեցան և
շտապ խցկվեցին լուսամուտի տակ դրված
արկղիկը:

Այդ արկղիկում պահվում էին երեք-չորս կա-
պուկ կիսատ-պրատ խաղաթղթեր և մի պատիկ



տիկնիկային թատրոն, որը մի կերպ տեղավորել էին ներլիկ արկիվում: Թատրոնում ներկայացում էր գնում: Բոլոր տիկնիկները՝ և ագռավի, և խաչի, և ագուռի, և փոսիկի, նստել էին առաջին շարքում և բափահարում էին իրենց ձեռքի վարդակակաչները: Նրանց հետևը կանգնել էին վախերները, որոնք երկուական գլուխ ունեին. մեկը՝ վերևը, մյուսը՝ ներքևը: Պիեսը երկու սիրահարի մասին էր, որոնց ոչ մի կերպ չէր հաջողվում միանալ, և հովվուհին նրանց նայելով լաց եղավ. ներկայացումը նրան հիշեցնում էր իր սեփական վիճակը:

– Ա՛հ, ես չեմ կարող դիմանալ, – ասաց նա: – Գնանք այստեղից:

Բայց, երբ նորից իջան հատակին և նայեցին իրենց սեղանին՝ տեսան, որ ծեր չինա - ցին արթնացել է: Նա ամբողջ մարմնով օրորվում էր այս ու այն կողմ՝ հետևելով իր ներսում գորվող կապարե գնդիկին:

– Վա՛յ, ծեր չինացին մեր հետևից է ընկել, – գոչեց փոքրիկ հովվուհին և այնպես վախեցավ, որ ընկավ իր թարակ հախճապակե ծնկների վրա:

– Սպասիր, ես մի բան մտածեցի, – ասաց ծխնելույզ մաքրողը: – Տեսնո՞ւմ ես այն անկյունում դրված մեծ սափորը, որի մեջ չորացած բուրավետ խոտ ու ծաղիկներ կան: Մտնենք այդ սափորի մեջ: Այնտեղ մենք վարդերի ու նարդոսների թերթերի վրա կպառկենք և, եթե չինացին մոտենա՝ նրա աչքերը աղ կլցնենք:

– Ո՛չ, դա քիչ կօգնի, – առարկեց աղջիկը: – Բացի այդ՝ ես գիտեմ, որ ծեր չինացին ու սափորը մի ժամանակ նշանված են եղել և, քանի որ նրանք սիրել են իրար՝ այդ զգացմունքը չէր կարող անհետ կորչել: Ո՛չ, մեզ մնում է միայն մեկ բան. դուրս գալ լայն աշխարհը:

– Իսկ դու չե՞ս վախենում ինձ հետ ճանապարհ ընկնել, – հարցրեց ծխնելույզ մաքրողը: – Դու մտածե՛լ ես, թե որքա՛ն մեծ է աշխարհը, և որ մենք այլևս այստեղ չենք վերադառնա:

– Այո՛, ես այդ ամենը մտածել եմ, – պատասխանեց աղջիկը:

Ծխնելույզ մաքրողն աչքերը հառեց աղջկան և ասաց.

– Ես գիտեմ միայն մեկ ճանապարհ, որը ծխնելույզն է: Դու իսկապես քաջություն կունենա՞ս ինձ հետ մտնելու վառարանը և խողովակի միջով վեր մազցելու: Երբ մենք հասնենք ծխնելույզին՝ ես գիտեմ, թե ինչ պիտի անեմ: Մենք այնքան վեր կբարձրանանք, որ մեր հետևից չեն հասնի: Իսկ ամենավերևը կա մի անցք, որով մենք կարող ենք լույս աշխարհի դուրս գալ:

Եվ նա աղջկան տարավ վառարանի դռան մոտ:

– Ինչքա՛ն սև է այստեղ, – գոչեց աղջիկը, բայց և այնպես՝ տղայի հետևից մտավ վառարան և ապա՝ խողովակի մեջ, որտեղ մութ էր, ինչպես գիշեր:

– Դե՛, ահա մենք արդեն ծխնելույզի մեջ ենք, – ասաց տղան: – Տես, թե ի՛նչ հրաշալի աստղ է փայլում ուղիղ մեր գլխավերևում:

Երկնքից իսկապես նրանք էր նայում մի աստղ, որ կարծես իրենց ճանապարհ էր ցույց տալիս: Իսկ նրանք շարունակ մազցում էին վեր ու վեր: Բայց ծխնելույզ մաքրողն օգնում էր հովվուհուն. բարձրացնում էր նրան, թռնում և ցույց էր տալիս, թե որտեղ է ավելի հարմար դնել իր հախճապակե ոտքը: Այսպես նրանք հասան ծխնելույզի ծայրը և նստեցին պռնկին, որպեսզի մի քիչ հանգստանան. զարմանալի չէ, քանի որ շատ էին հոգնել այդ դժվար ճանապարհին:

Իրենց գլխավերևում աստղազարդ երկինք էր, իսկ ցածում երևում էին քաղաքի կտուրները: Այդ բարձրությունից նրանց աչքի առաջ իսկայական մի տարածություն էր բացվում: Խեղձ հովվուհին երբևէ չէր կարծել, թե աշխարհն այդքան մեծ է: Նա իր գլուխը հենեց ծխնելույզ մաքրողի ուսին և այնպես լաց եղավ, որ արցունքները սրբեցին տարան նրա գոտու ոսկեգույն փոշին:

– Ո՛չ, այս արդեն չափից դուրս է, – ասաց նա, – ես չեմ կարող դիմանալ: Աշխարհը չափազանց մեծ է: Ա՛հ, եթե ես նորից կանգնած լինեի հայելու տակի փոքրիկ սեղանին: Ես չեմ հանգստանա, մինչև որ չվերադառնամ այնտեղ: Ես քո հետևից աշխարհեաշխարհ շրջեցի, այժմ ետ տար ինձ, եթե սիրում ես:



Ծխնելույզ մաքրողն սկսեց համոզել աղջկան հիշեցնելով ծեր չինացուն և օբերուկները-գեներալ-ադմիրալ-սերժանտ Այծոտնին: Բայց հովվուհին այնպե՛ս դառն էր հեկեկում և այնպե՛ս էր համբուրում սիրեցյալին, որ սրան մնում էր միայն զիջել աղջկան, թեպետև դա անմտություն էր:

Մեծ դժվարությամբ նրանք նորից ցած իջան խողովակի միջով և հասան մութ վառարանը: Մտտենալով վառարանի դռանը՝ նախ մի քանի րոպե կանգ առան, որ իմանան, թե ինչ է կատարվում սենյակում: Այնտեղ լուրջուն էր: Նրանք դուրս նայեցին, և ո՛վ ասրսափ, սենյակի մեջտեղն ընկած էր ծեր չինացին: Երևում է՝ երբ նա փորձել էր ընկնել փախստականների հետևից, սեղանից ընկնելով՝ երեք կտոր էր եղել: Մեջքը մի կողմ էր թեել, իսկ գլուխը գլորվել էր անկյունը: Բայց օբերուկներ-գեներալ-ադմիրալ-սերժանտ Այծոտնը առաջվա պես կանգնած էր իր տեղը՝ մտքի մեջ ընկած:

– Ա՛հ, ի՛նչ ասրսափելի բան, – գոչեց հովվուհին: – Իմ ծերունի պապիկը կտոր-կտոր է եղել, և մեղավորը մենք ենք: Ա՛հ, ես դրան դիմանալ չեմ կարող:

Եվ նա հուսահատությունից կտորատում էր իր մանրիկ քաթիկները:

– Նրան կարելի է նորոգել, – ասաց ծխնելույզ մաքրողը: – Շատ հիանալի կարելի է նորոգել: Դու մի հուզվիր: Բավական է՝ մեջքին խեժ քսեն, իսկ կոկորդի մեջ փայտիկ դնեն, և նա կլինի բոլորովին նորի պես ու դարձյալ մեզ ամեն տեսակ անախորժ բաներ կասի:

– Դու կարծո՞ւմ ես, – հարցրեց հովվուհին, և նրանք նորից մազվելով քարծրացան այն սեղանին, որտեղ առաջ կանգնած էին:

– Այ, տեսնո՞ւմ ես ինչ մեծ ճանապարհորդություն կատարեցինք մենք, – ասաց ծխնելույզ մաքրողը: – Այնինչ՝ կարելի էր բոլորովին տեղից չչարժվել:

– Ա՛հ, միայն թե պապիկին նորոգեին, – հառաչեց հովվուհին: – Թա՛նկ կնստի դա:

Եվ նորոգեցին: Դրան մասնակցեց ամբողջ ընտանիքը. նա դարձավ բոլորովին նորի պես, միայն թե՛ այլևս գլխով տնտնաբացնել չէր կարողանում:

– Դուք ինչ-որ գոռոզացել եք այն օրից, երբ կտորվեցիք, – ասաց նրան օբերուկներ-գեներալ-ադմիրալ-սերժանտ Այծոտնը: – Բայց ինձ թվում է, թե այստեղ գոռոզանալու ոչինչ չկա: Դե՛, ի՛նչ, այդ աղջկան ինձ կտա՞ք, թե՛ ոչ:

Ծխնելույզ մաքրողն ու հովվուհին աղերսագին նայեցին ծերունի չինացուն՝ վախենալով, թե նա գլխով կանի: Բայց չինացին գլխով անել չէր կարողանում, իսկ ուրիշներին պատմել, որ իր կոկորդի մեջ փայտ են դրել՝ դա էլ հաճելի բան չէր: Սիա այդպես էլ հախճապակե զույգը մնաց կողք կողքի կանգնած: Հովվուհին ու ծխնելույզ մաքրողը օրհնում էին պապիկի կոկորդի ամրիչը և շարունակում էին սիրել իրար, քանի դեռ չէին կտորվել: